

入兒童耳我生五十未曾親見火燒屋但聞
水底火發燒破無生國虛空撥出死柴頭手
搓十丈龜毛束幻法由來無斷續尺地不妨
重卜築一把茭蘆又縛成連海依前青溢目
天目中峯和尚廣錄卷第二十七之下

天目中峯和尚廣錄卷第二十八

參學門人北庭王僧慈寂 上進

偈頌

幽居聞市聲

鱗鱗萬瓦下蓋覆物與人五更幾夢覺眼底

秋復春側耳白雲巖閑市喧埃塵二毛轉鬢
脚白日迷天真疾馳生死岸獨立人我濱少
壯習輕肥老大成貪瞋英雄與才智紛紛復
紜紜浮光自苦樂幻影徒冤親一念不返照
萬劫歸沉淪良哉美丈夫好景休因循混沌
鑿七竅開合俱漓淳肉團裹枯骨枯骨藏靈
津靈津忽散滅太虛包一身太虛亦妄見轉
復諸苦輪瞠目視乾坤云胡而不仁乾坤不
加對萬象俱橫陳輸與寒山子時時笑眼新
即事十首

一刻復一刻每日數盈百過去等河沙未來
積塵墨忽忽若跳丸遙遙如轉息當處絕蹤

由瞬目天地隔

一時復一時非速亦非遲歷涉幾千載循環
十二支金雞催曉箭鐵馬報春旗誌老云能

使真成戲小兒

一日復一日金烏無路出團團三界圈密密
兩儀窟諸佛不露影衆生是何物更擬覓玄

門苦哉咄咄咄

一旬復一旬那事逐時新圓寫虛空相雕裝

混沌身祖庭深白雪佛海翳黃塵一句無生
話誰將汙口脣

一月復一月那箇知時節走殺老兔精埋深
繫驢棟再閨十三圓小盡廿九缺少室不傳
機渾倫都漏泄

一年復一年談笑歲華遷夢裏^{六八}轉做夢廬中
更入鄧迷時猶海闊悟處正天懸眼底無行
路纔方好著鞭

一紀復一紀流光如逝水佛國徒有名人海
元無底一息忽平沉萬死從頭起當處不回

眸祖庭空側耳

一世復一世三際無碑記過去不可追未來
信相繼十方不二門萬法真三昧彼此皆丈
夫緣何猶不會

一生復一生把手共誰行耕破識田識漚乾
情海情色色猶非色聲聲豈是聲自從聞見
絕觸處是無明

一劫復一劫那知幾生滅髑髏鑽得空皮袋
打不徹生死有異方涅槃無祕訣火急要相
應一塵元不隔

示行堂

至道常湛然萬古絕成壞良由妄想生輪回
三有界曠劫至今朝展轉債宿債超越在精
勤沉淪由懈怠操履貴平常言行休惺怪去
除雜語言掃蕩閑知解一箇死話頭悟來方
慶快挑包打十方有利而有害大事不思惟
前程何所賴殷勤報汝知古人曾有誠自在
不成人成人不自在莫隨眼底貪嗔癡換却
如今好皮袋

教禪律總頌四首

聽教欲奚爲思同佛祖齊機前空境觀句外
脫筌第見不離文字心常滯水泥縱饒華雨
墜還是法中迷

參禪須致悟不悟總虛捐啓口循知解存心
著妙玄五宗雲蔽月二派管窺天更覓西來
旨何時得正傳

制律緣何事單防毀犯心念空真羯磨情盡
正持任作止冰侵骨依違雪滿襟遮那曾未
委羈絆去來今
生死依情妄輪回事可嗟鼎分元有據壁立

更無差修學水中月講明空裏華當機如未
瞽三者謾誼譁

次魯菴懷淨土十首并序

永明和尚以禪與淨土棟爲四句謂有禪有
淨土無禪無淨土有禪無淨土無禪有淨土
特辭而辨之乃多於淨土也致業單傳者不
能無惑焉或謂禪即淨土淨土即禪離禪外
安有淨土可歸離淨土豈有禪門可入審如
前說則似以一法歧而爲二矣不然教中有
於一乘道分別說三永明之意在焉魯菴和

尚宗禪之師也效古作懷淨土章句辭達而
意明語新而思遠使人讀之曾不加寸念咸

置身於純白蓮華之域豈尚異耶蓋變體說
禪亦善巧方便之略耳本素昧禪學未疎淨
行披味至再不覺於一毫端戲成偈以贅韻

脚云

惟禪惟淨土非下亦非高謾爾章羣品何曾
間一毫妄情終自督悲願肯辭勞誰信泥犁
底常光雜俊髦

十萬億何迂回光即有餘惟心標一實自性

奪十虛易簡超羣作高閑越太初古今玄達
者誰不歎猗歟

純白蓮華土高賢每共論有心皆是佛無地
不名坤嶽斷輪回路掀翻解脫門眼聲并耳
色逆順總承恩

千聖體無差彌陀即釋迦擬心猶捕影動念
若蒸沙刹刹寶絲網塵塵車軸華那知孤露
客具此大榮華

慈親興法利似賈復如商帆截貪癡海華吹
戒定香信心入易入垂手願難忘嘉號方存

念音書已到鄉

飯食經行外觀光倚玉樓風微天樂奏波靜
水禽遊寶網珠常曉瑤階樹不秋一從心地
印隨處絕馳求

稽首黃金父眉間玉燄橫昔年曾去國今日

幸聞名與寶天常雨纖塵地不生大慈無界
限那肯禁人行

萬德芬陀利人間現一枝祥光分處處靈燄
發時時月滿水精網蘊香雲母池笑逢諸勝

友謂我到何遲

故家名極樂清淨漂冰霜直捷超三觀褒揚
讚六方覺華含古色靈草照春陽樓閣雲天
外雙雙彩鳳翔

研額望慈親相違幾度春頓忘三除業徒剝
一開身失路難逃妄還家豈是真西天并此

土元不問纖塵

閑林間錄有感

林間編此錄深夜剔殘燈慧命微如線入心
冷似冰祖庭空積雪古路不逢僧追蹤前賢
轍思歸一念增

禮四祖真身塔

九拜曉龕前追思獨惄然真身無日壞此道
有誰傳古岸橫秋水空山起暮煙幾多西祖
意寂寞在江邊

天目中峯和尚廣錄卷第二十八

音釋

鍤 測洽切 劣 朱欲切 瞬 舒闊切 嚙 必角切

丁鄧
鑿也

搘 倉何切

瞷 抽仄切

視 直視切

永樂北藏

天目中峰和尚廣錄

第一五七册